

熙朝詩薈

六十九七十

番外書冊

庫	文	閣	內	
二	一	一	和	
四	八	八	書	
函	冊	號	類	
二				
三				
架				

(七三)

內閣文庫	
番號	和 18418
冊數	41 (27)
函號	204 294



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



熙朝詩薈

二十七

淺草文庫

熙朝詩薈卷第六十九目錄

伊藤縉 百十首


江村綬 四十一首

清絢 七十一首

伊藤榮吉 六首

江村兼 十一首

清勲 五十一首



熙朝詩薈

錦天山房

整之語以自警常訓子弟曰為士者不可不念
此又嘗云終日不省已過便絕聖賢之旨終日
喜言人過便傷天地之和與二弟北海儋叟聲
價高於一時錦里以經藝聞北海以歌詩儋叟
以文章博士佩蘭清公稱為伊藤氏三珠樹安
永元年卒年六十三私謚文恪著有邀翠館集
尋海草尋山草

錦天山房詩話錦里萃彩不及二弟然亦自典
雅

詠懷

卷六十六

南山有黃鵠將雛恒苦思一步一回顧飲啄每相隨一
朝飛北溟形影遠相離渺茫雲海路棲息未有涯羽翮
摧將墜哀叫一何悲借問何所求嗚喋常苦飢安知舊
巢處得不覆且危群鴉鳴無謂啞々集昏時

即事

環堵塵埃中四壁東風至憑欄偶開襟簷鳥動詩思園
柳生暖靄庭蕪還新翠節物看如此幽憂依舊萃

屋漏

貧居修補廢屋瓦墜驚風月出方皎々碎暉入隙通無
柰愁霖夕屋漏響淙々衾裯愁點滴桶盂承奔霖兒女

相縈紆側身寄車中
遲晴命僕夫升屋代葺工
古箔與敗席拮据蓋三重
共笑舴艋似蒙葺覆枯蓬
以此度朝夕讀書自從容

漫興

富人多鄙儉自智動鼻根
貧人多猜忌自誤在言前
兩者皆可惡何足為才賢
人生羈寓內遭逢是自然
富而如可求孔聖願執鞭
貧而如可耻原賢又孰傳
貧富無賢愚賢愚本不然
吾觀今古事二物自變遷

郊行二首

偶出都門去山河轉鬱蒼
餘寒春半過乍霽日初長
草

競新生色梅留欲落香
言携花外酒更復醉池塘

幽尋情未已前路向斜照
擲石臨春瀨倚岩送夕雲
溪

翁燒白竹薪女競紅裙
莫是桃源境便堪避世氛

將赴東都

花後終無雨綠陰入夕晴
旅遊隨日逼客意在家生
開篋燒書札檢方錄藥名
關東還往慣不復弄行程

九月十三夜對月

西京羈旅臣徙倚御溝濱
歲月增吾老乾坤贅此身
氛銷孤掛魂望近稍成輪
勿怪詩長癡中宵恐愴神

美人調馬

據鞍聊顧眄俊艷似相誇日照游龍起風生匹練斜翠
眉顰柳色朱汗濺桃花忽訝登仙去場頭錦幙遮

宿山驛

萬嶺斜陽盡孤村暮靄收踈燈迎旅客薄貝引鄉愁積
翠當窓黯喧泉近枕流孤踪都不定天地一浮漚

雨夜感懷

澤國長陰合蕭々木葉零髮秋教莖白眼冷一燈青久
客金難續多情酒易醒嗚嗚天外度愁坐不堪聽

魚上龍門

龍門春水漲魚隊此相追浪動翻金背花浮映綠鬃駢

頭寧獨後點額亦何辭莫道雲津阻飛騰不可知

江州道中

地形吾頗熟廿歲往來中水涸沙平岸山遙樹受風旅
懷無遠近蹤跡信西東江上多芳杜心期誰共同

薩埵山

九折盤林杪回看遠近晴河流滯海白嶽雪接天明斷
壁潮爭濺懸崖樹倒生登臨思不已况復幾年情

春夜宴集

日落餘霞散春泉遶砌流花迎香騎入月助玉人遊綺
席傾金盞明燈照畫樓平原何足羨醉舞不知愁

途中值雨

冥々朱夏雨騎馬轉悽然只尺江湖道迷濛水木烟
心遠宿昔病骨感流年鷗鷺徧沾濕回飛滿野田

峽中

登々山更合積翠映征衣獨鳥驚人起孤雲觸馬飛
溪回泉脉亂地瘦麥芒微絕嶺樵歌響不知何路歸

春郊

身後名何用春遊勿失時生涯貧不改心事髮先知
野徑花相引村園柳幾垂明朝儻值雨此興亦難期

蟬聲集古寺

塔廟前朝寺山蟬此地吟高低隨積翠斷續逐清陰
飲露生常足因風響欲沈祇應慈殿裡不入伯喈吟

秋日偶作

天際秋雲薄軒窓雨後涼柳衰烟易散菊綻露初香
懶覺詩為崇言從老更狂尚餘潘岳興鬢髮轉蒼々

中秋卧病對月書懷

微凉宮樹靜雲影白鱗々儻拭瑤臺鏡堪探貝闕珎
烟沙光乍淡露葉影還新感念山中桂更應招隱淪

歲暮晨起

勿道吾虛陋餘閑眼自開雪殘山氣近日出市聲催
舊

友隨年盡新愁入髮來疎慵與衰疾無意問寒梅

九月十三夜值雨同諸子

黯淡樽前色憐秋坐夕陰梧桐微雨滴蘿薜一燈深意
氣偏交態風塵自古心高歌須盡醉世上幾知音

十二月十七日雪用兒訓韻

天地窮陰集回風節白沙帽簷俄頃玉傘柄片時花貝
闕竟初爽瓊林夢自賒平安十萬戶都是賣珠家

春風扇微和

帝里年光早惠風草際歸分晴浮瑞色拂曙發春暉綺
陌紅塵暖金爐紫焰微催花度殿閣織柳入宮闈淡蕩

迎歌扇悠揚送舞衣陽和今漸遍娛樂莫相違

奉送宰相藤公奉使上日光山

宗祀追前烈朝廷議典章天開鄉月色人望使星光龍
虎擁園寢熊羆守廟堂宏規超梵帝太祝屬輪王聖筆
烟霞動神燈魘魅藏三花連砌秀七寶繞扉裝武德振
千古宸心托萬方關中圖永久海外仰隆昌東瓊皇華
盛揮毫麗藻揚還堪占玉燭日觀絲雲長

早春游望

大道紅塵十萬家西京無處不繁華游龍雲動平津閣
歸鳥春迷上苑花日繞漢宮多氣色山圍周甸簇烟霞

五陵試倚東風望飛蓋相連貴客車

癸酉除夕

濁酒青燈強自寬悠悠世事幾悲歡一經舊業黃金盡
四壁窮愁白髮寒蓬暮病從忙裡起少年遊作夢中看
明朝即使陽春到此夜人間留得難

初春和答烏山字內臘日見懷

多病中原此遠遊南條回首思悠悠書來鴻鴈雲千里
夢斷梅花月一樓竈裡金丹應自就樽前白雪好誰酬
何人誤道揚雄似寂寞春風短髮愁

首夏送閔生之東都

蓬萊闕下惜離群綠樹清風馬首分蝴蝶夢從花後斷
杜鵑聲傍雨邊聞蒼波倒映蓮華雪紫氣遙連玉筍雲
不獨詞才堪攬勝腰間雙劍抱星文

鴈

露白天青暑忽收幾行嘹唳惹邊愁一聲客夢悲殘夜
萬里歸心動早秋風急蘆花翻雪起月明江樹入烟流
聯翩更向衡陽去雲路冥冥不可求

宿山寺

半嶺秋霞映晚暉門通小徑不相違滿階落葉無人掃
遠院長松有鶴歸一夜水雲禪榻冷十年心事佛燈微

明朝又向城中去市陌紅塵撲面飛

秋懷二首

蒹葭漸漚菱荷傾兩岸樓臺晚日晴地接濃陽烟水濶
天連加北雪峰清秋風尺素中原色夜月千砧故國情
聞說淮南叢桂綠可能招隱避浮名

泮宮琪樹彩雲開眷顧談經拜舞回楚醴難酬明主意
梁園豈愧丈夫才百年雄鎮依山海絕世仁風及草萊
自歎藝林無所益漫將逢掖得趨陪

有感

西風黃葉又經秋浪跡何時合暫休萬里胡天雙捲翼

十年宦海一虛舟炎涼世態誰青眼辛苦人生自白頭
贏得兩肩吟骨瘦天教收拾杜陵愁

客中歲晚

獨對寒燈酒一盃天涯誰與共徘徊將來世事應難料
已往年光竟不回老景漸成雙鬢雪虛名自覺寸心灰
故園花發春無主悵惆東風幾度開

中秋坐月

高城風露月明秋又為吟懷一倚樓把酒金波盃面溢
捲簾珠彩席間流誰能不道今宵好自恐添成宿昔愁
鐘漏沈沈天似水無由乘興泛扁舟

早春

老夫多病避風塵
稚子無憂走歲新
花柳更明行樂日
酒盃同醉太平春
西山竹寺題詩去
南下林莊對局頻
總把殘生供適意
微軀何恨在官貧

秋夜

春後沈綿病思長
不眠殊覺老懷腸
孤燈花落秋堂靜
一迳螢飛夜雨涼
往事悠悠多夢境
舊遊歷歷幾詩場
當年久假成何計
唯乞醫生問藥方

冬夜殘月

半掩殘妝欲待誰
北風嗔怒妬瑤姿
寶奩匿鏡雲遮面

玉艷窺簾雪犯肌
瘦極病娥猶可見
猜多神女不堪期
畫堂西畔寒天外
教點梅花闌兩奇

荅原子顯見贈

芙蓉露冷武昌秋
佳節懷人賦遠遊
同舍兄弟驚聚散
中原書劍任淹留
開簾酌第連雲起
把酒星河捲地流
最是西山來爽氣
遙知拄笏倚牀頭

漢武帝思李夫人

菱鏡鸞飛粉黛銷
人間無處覓秋嬌
花留寶盞終無語
月認香魂不可招
環珮幾時尋紫府
金莖依舊指青霄
漏聲滴盡甘泉曉
何似千行玉淚饒

晚秋答弟君錦二首

幾許離情易白頭為將錦字托書郵隔鄉眾嶺關心還
遶郭長江入望流姜被夜霜傷久別謝家春草憶同遊
凭欄羨殺南飛鴈斷續隨風蘆荻秋

露滿梧桐月滿城官情況復故園情菊花仍負陶元亮
楓詠誰傳崔信明客散殘燈沈夜色夢回孤枕送秋聲
籃輿到處逢迎在莫道青袍誤此生

再和君錦二首

幸值閒居久假秋踈慵誰恠絕交遊微醺適意紅生頰
百計關心白盡頭南國黃橙垂玉顆北藩晴雪刻銀椽

相思忽有鴻音度知原清吟慰客愁

聞道城邊雪正漫萬家冰柱玉欄干風簷犬吠吟節瘦
月樹烏啼講席寒授簡賦從梁苑著穿楊枝作越人看
老來自笑詩才退一夜敲推意未安

詠綠萼梅

詠物之難不其然乎才如瑯琊尚且病諸蓋傷
於體裁也丙寅新正余伏枕間窓無侶偶閱會
州詠物六十六首者嗟乎盛矣第未有綠萼梅
題詠於是戲賦一律聊以消遣即刻畫西施而
終不能似也

淡烟微雨立疎籬
細米含香朶々宜
月裡誰栽青玉案
風前自惜翠雲姿
名傳金谷魂空化
怨入蒼梧髮欲垂
庾嶺萬株花似雪
東君更復鬪新奇

丙戌暮春龜山致政大夫子樂松平君邀京師諸

賢同宴于嵯峨客棧其姻族皆川伯恭亦從侑觴

焉予以病不得造奉寄二律謝之 錄一

想倚欄干對翠微
何妨殘雨點輕衣
風吹弱柳嬌無力
烟著濃花濕不飛
一日餘閒且須惜
三春行樂動相違
同遊定有新詩就
携得明珠步月歸

送跡部子反竣役北還

歸鞍遙向故園馳
出餞無由折柳枝
末路風塵雙鬢短
窮交天地兩心知
雲中樹色臨關壯
月下潮聲拍岸悲
到日定逢秋鴈早
殷勤莫使北書遲

十五夜橫田子明樓集

風涼城闕暮雲收
明月同憐照半樓
仙掌夜寒銀漢露
霓裳天近玉京秋
非緣斗酒開良宴
爭奈孤懷嘆遠遊
君自十年稱傲吏
不妨沈醉此淹留

秋日家居

秋光堪賞又堪驚
社燕歸飛塞鴈鳴
屋角倒流河漢影
樽前徒感歲時情
官遊動作經年別
勝會難逢每夜晴

照朝言會
莫恠苦吟長對月幾回能得照殘生

採蓮曲

采采芙蓉花紅妝映水嬌因郎憐形影不敢盪蘭橈
訪友人

一路青山暮風花帶落暉沿溪尋野渡白鷺近人飛

春日偶作

細草香泥濕柴門花未掃幸無上客車隨意長春草

竹間路

千竿通細迳左右綠雲迷更到深幽處驚飛一鳥啼
淑氣催黃鳥

陌上風烟日夕晴金衣無恙入春城歌臺不敢分明語
試向林園幽處鳴

白牡丹

興慶池頭幾度春名花含笑露香新可憐綽約風前色
絕似霓裳按舞人

明妃詞

西風攪鏡淚痕斑落日驚沙撲翠鬢縱使胡姬終不妬
那能留得畫時顏

游仙曲

洞裡真遊日月長金壇春草煖含芳攀松試擬雙飛鶴

動石時為五色羊

楊柳枝

勞々亭畔折殘枝幾處傷心贈別離不分春風吹又綠
獨教兩鬢亂如絲

斯香鳴

鶴群每趁晚潮還知爾應棲珠樹間莫道神仙難可接
彩雲只尺是三山

宿索名驛

兩歇江亭夜色寒月華星彩倚樓看預思明日舟行好
直過春風七里灘

聞曉角

水樹蒼々曉色分金笳殘月不堪聞一時驚起沙頭鴈
斜入湘南數片雲

途中晚霽

無名芳草覆春堤風送禽聲日欲低輿影斜行松影上
明霞遙在一川西

晚春對雨

冥々簾幙雨如麻陌上黃泥燕子斜寄語春風多少恨
一時吹盡滿城花

題墨梅

硯池香動玉魂回墨色淋漓絕點埃疑是朧々春夜月
紗窓橫寫鏡枝來

金谷河阻三首

偶逢河漲此掩留柳外東風暮色愁記得少年來往日
不將暗雨繫心頭

夜深燈暗旅魂驚雨滴空窓夢不成歷々故園兒女面
一時無語眼中生

坐卧茅堂不得移痴心翻恨夕陽遲閒來歷々平生事
愁緒多於欲別時

塞上曲

青海長風雪滿關邊聲遍動戍樓間雲中萬點陰山火
道是單于夜獵還

送君履兄歸鄉

握手離筵對落暉徘徊同此惜芳扉楊花不解留歸客
頻趁東風作雪飛

春日漫成

百年天地太慙生世上無人記姓名睡起夕陽花氣暖
滿園芳草下階行

秋燕

斜陽橋畔柳陰西日々梁間路不迷來去似為來歲約

錦天山房

十

熙朝詩

十

秋風還向主人啼

悼已詩二首寄慰大谷伯順

香魂吹斷落花風
寶枕金釵夜夢空
月色如霜人不見
可能消息問仙宮

芳樹花開昨夢非
倚欄唯見夏雲飛
獨憐葉罽青梅子
宿雨乾時稍少肥

寄贈弟君錦

酒盡樽前獨念家
誰憐鳴鴈滯天涯
北風不斷江城雪
却似河陽縣裡花

某氏宅觀瓶中菊花

冷艷新開白玉盤
銀瓶斜插露痕寒
貴人不解悲搖落
笑倚流蘇帳裡看

秋日送田子愈之京師二首

清秋搖落洞庭波
千里風帆柰我何
江上鱸魚今正美
更教鄉思為君多

西風吹斷採蓮歌
楚水吳山勝槩多
此去試憑高處望
五湖秋色定如何

暮春有感

待花日夕恨花遲
纔到開時又幾時
自笑世途閒暇少
非關風雨誤佳期

永代橋晚涼

日落波平織碧羅長橋浸影晚涼多中流大舸隨潮下
兩岸樓臺一瞬過

客中聞鴈

夜雨堪憐斷續聲歸心何異旅人情祇由飲啄難常得
不厭年年萬里行

初夏遊驪山

雨餘新綠擁招提鳴玉懸泉晚日低更到上方雲樹際
數聲何處子規啼

春月

奉京極大王命恭賦其鷹峰偕樂亭四時景

霽々春空雨霽時朱絃風暖按歌遲多情最是花梢月
纔上欄干不敢移

冬河同

芙蓉秋漲雪漫漫細縷風清翠釣竿今日重來橋下水
鷓鴣對影夕陽寒

春日漫成二首

雨微庭院近黃昏城上鳥啼未掩門底事東風無檢束
一時吹斷百花魂
洛水花飛處處流啼鶯猶自雨中愁向來携酒同遊友
半入黃泉半白頭

秋見病中即事

病來誰為掃庭園
蓋地莓苔沒屐痕
豆蔓半黃心未死
寒花猶自護頽垣

雨進

麥芒抽淨綠夾道
皆美田田塍與原
濕霏微翠雨懸影
纔迫身見響從空
簷傳銀鷺立水草
倒影白其前
榆柳交加內孤茅
半泄烟泥弱人沒
膝鞋跡印黃圓
驛馬愁更代油衣
賴厚堅往來慘不
喧脉脉只後先

峽志

見面峰難到
迴腰路不同
危塗開復閉
潛壑寒還通
入

邃全無日
登高忽有風
人々躋嶮者
休息一篁中

從橫河越嶺溪行

山勢屏風立
小開自後迎
峽深天甚小
雖晴似不晴
來烟非一勢
衆峰漸々生
幽光終不失
壑底石縱橫
青蒼含變態
廣狹亂流鳴
烟鳶臨虛碧
香裊自閑情
遠吹引天影
一溪聚萬聲
倏然松柏黑
夷猶不可行

品川眺望

一光上下薄
籠烟點日帆
分香碧邊日
疊積流暗有
漸遠山如影
逆如船

筍根

雪晴澗動山聲影亂初日秀妍二子峰總角嶸雙出便
欲與之近烟石踐虛竇紆曲既移時彼峰忽相失不是
峰趨避旁嶂峙不一風勁樹盡樛谷寒草未茁雖春有
冬晴寒氣股慄々石梯骨奇峭與雪半埋沒目行足不
從雪蹠上吾膝突兀猶壓人峰危雲倒逸乃覺所歷高
翠白栴尖筆磬折腰纜伸湖光涵象汨初恐天柱頌銀
潢濤蕩瀟窈冥魂深沈嵐氣濕衣塞蒼里奇杉中聲乾
風瑟瑟出關路稍夷郵亭烟外積是峰之所窮曉攀手
初越莒根本一山中外峰歷々

富士河

嶽雪春初融急流衝石骨恠沫與海憐只恐犯龍窟舟
子捷如神經過在飄急

逢月

有月夜亦靈路脉借其光光中三四點人馬有短長十
里親相送緊護不離傍稍覺沙面露便知宵影荒別有
長山色曉際自蒼茫

舟進索名

夜雲戴星歸曉碧渺無度開帆天鏡中直截春潮去鳥
遠鳥來遲似欲慰羈旅春風不勞柁柁痕如曳素當午
倚柁看高城柁烟霧

七月二十一日雷雨

黑霧乾坤合狂飈城欲摧迅雷驅雨至落電截雲開萬
壑蛟龍聞千山魑魅哀俯然天色霽涼氣滿樓臺

和靈鼎上人箕山瀑布作

瀑水青冥落松杉斷壁開千尋分日月萬古吼風雷妙
偈偏奇勝真遊自異才知君雲霧裡孟鉢蓄龍回

御溝新柳

嫋々御溝傍千條柳色芳天低分雨露日近借輝光綺
靡涵波暖參差覆岸長枝々還鴨綠葉々變城黃葦蓋
初堪拂金衣漸易藏王恭容可想張緒態何忘風蕩相

磨倚烟籠兩渺茫不知離別地攀折幾人傷

函嶺

群山萬壑擁高巔紫翠陰々撲面連鳥道杳冥雲外路
神工剗鑿洞中天關門樹合通真氣湖海峰迴倒玉蓮
十載重經函谷嶮白頭誰記棄繻年

望海

芝浦帆樯向晚連東南形象入樽前丹霞日湧扶桑樹
碧水雲開渤海天萬里搏搖鵬際動三山真氣蜃樓懸
醉來欲擬玄虛賦短髮乾坤轉惘然

冬日海棠

仙質不爭桃李場
幽姿應有後時傷
微紅纔柝前宵雨
脆豔何勝寒曉霜
銀燭照來誰拒睡
珠簾低下獨含粧
可憐冷落窮冬日
孤負春風弄晚芳

採蓮曲

貪采荷花好不嫌
水濺衣家在橫塘
畔月出刺舟歸

題雜畫

滿地蒹葭水遙空
鴈作行差池不肯下
猶自向衡陽

客中

鄉心何處盡客至一談清
日暮客歸去鄉心還復生

野渡逢舟

山舍斜景雨初收
駐馬芳塘望渡舟
風裏楊花飛似雪
不知撩亂幾人愁

濃州道中

一痕野水接芥陂
榆英罩烟漏日遲
麥浪風微牛穩卧
牧童相聚逐魚兒

歸家志喜

早晚歸來入洛城
依然門柳似相迎
家人繞坐歡無恙
不似去年離別聲

古意

貧賤寡知遇終年獨閉門
區々自束縛鬱々與誰言
丈夫

夫心一冷百計不能温所以窮途士慷慨有悲歎所悲
同眾人白首老邱園

夏夕讌會

日夕孤霞滅衆賢共舉觴朱花臨綠水隨風再々香解
斂放遊囑素月出東方晶々天宇淨嘉樹引流光金波
流不盡星彩散陂塘麗藻互相酬惠言蘭吐芳良夜難
常遇佳人安可忘懽娛不及時老大徒悲傷

以下摘句

夢從今夜遠月是異鄉者 暮春發京之夕宿石部驛

曳烟先著草吹暖稍催花 春風扇微和

蓮花水暖烟初薄雪艷霞楊汗欲浮 詠浴

微風不動階前草片雨翻蒸日下雲 秋日家居

旭初雲爛醉烟際鳥幽姿 早發

江村綬

字君錫號北海稱傳左衛播磨人伊藤龍洲第
二子出為江村毅庵後因冒其氏襲職仕官津
初龍洲家罹災妻河村氏寓其兄家生君錫於
播磨比弱冠在舅氏許未嘗知學好為俚歌時
人目為錦心繡腸赤石梁峽巖一見愛其才勸
使學謂曰以子才氣專心吟咏必有盛名君錫

大感悟始志於學晝夜研鑽手不釋卷名亞兄
錦里尤長於談論其講經史剖拆竊眇精義入
神人稱為三珠樹中第一以文學仕官津九年
其君知有吏才擢為京郎留守兼掌錢穀出納
後侯移封郡上欲大用之不果而卒於是致仕
築對楸館於平安室町以翰墨自娛諸侯聘問
一皆謝絕其說經一從朱子又述家祖專齋剛
齋之遺說未曾自發一說常譏世人以己意駁
朱說者其歌詩播揚遠邇四方慕悅者甚多才
俊之士多出其門時大阪片山猷孝秩江戶入

江貞子實並號北海當時稱曰三都三北海以
江村氏為之冠云天明八年二月二日卒年七
十六著有蟲諫樂府類解授業編諸子擷英日
本詩史日本經學考杜律刪註北海詩文鈔等
十數種

那波師曾孝卿曰君錫存志乎詩書寓齋乎詠
歌余每輒謂彼其資性發達英萃釀郁不假思
練不費刻畫如騶虞之不殺如竊脂之不殺不
學而成不勉而得未幾聞其改舊聯也心竊感
焉漸見其衣袖皆穿脣吻生花爬羅剔抉弗得

弗措更問所製則肆而不放樂而不流雅正深粹愈足可喜試與世之模擬竄竊取青妃白肥皮厚肉柔筋脆骨力屈體疲而止者視之猶奏金石以破蟋蟀之鳴蟲飛之聲要之君錫之於詩性穎神徹其才高者耳

錦天山房詩話北海罷官後以南權風雅誘掖後進為已任廣通聲氣喧聒一世輕薄之徒藉其成名故其得譽全在於此其取毀亦在於此矣要之有詩才而無詩學故集中雖多佳句惜其體荏弱局於方程不能展拓

宿葦蓋山禪房即延慶菴


一宿山房裏夢亦作清遊青松白石路古岸淺水流忽醒心自適意謂五更頭四聽萬籟寂陰蛩唯報秋須臾曉鐘響古龕燈尚幽擊柝警清衆梵聲振林丘吾亦披衣起惺惺與心謀

有感

小蟹生江浦營穴蘆岸下穴中不盈寸自以為大厦朝慮沙岸崩夕怕江潮瀉物小識亦微營何為者

清風琴歌應大江樺圭需

城上樓烏定圓月出送林主人憐靜夜垂堂抱古琴庭



松漸布影清風亦來尋愛此風松會一奏太古音膝琴
不須鼓此得無絃心粟里人已沒寂寞曉古今

延慶菴席上次桂洲師早春韻

人事盡附蕉底鹿唯有周顛好不忘艸鞋葛巾烏藤杖
晴行雨歇雨無妨陽破鋪綠含靄氣陰嶺留白媚日光
林屋溪扉梅爭發東風為我送清香會心之處不辭遠
鷄聲報午到禪房禪房寂寞無塵點繞簷青山白鶴翔
交深道熟無所說啜茗觀碁送夕陽

遊仙曲

一路笙歌引仙遊自不賒金童燕白石玉女剪青霞鶴

遶階前樹人迷洞口花今宵閨苑會月下簇雲車

春日遊加茂飲滕希史宅二首 錄一

新晴開宿霧野日靄郊村出郭山河麗過橋花木繁庭
沙留鳥跡水檻帶苔痕樂志君能續時來聊與論

寄赤石梁景鸞五首 錄一

聚首元非易論心此轉難如何疇昔遇不得片時歡客
子芙蓉劍先生首薦盤別離千古恨更向故人看

十六日曉發石山還京沿湖口號

霞標台嶺曙旭日射波紅鷺渚秋堪畫龍宮路可通葢
花沙店露柿葉酒旗風注目移時立湖山縹緲中

咏鶯

林苑春光遍鶯聲處處聞杏花千點雪楊柳一團雲
舌元無匹金衣自不群近郊彈射滿好去野川濱

首夏遊天龍寺贈翠巖師

薰風吹野服印杖遠來尋樹合曾遊處山舍久別心紺
園遲午日綠水映空林興至求僧舍多妨結夏深

又得新字

壺觴憐首夏草木送殘春共喜追隨地都非喪馬人輝
々簾日落的々砌花新解道通家誼兒童亦此親

和袖仲素塞下曲

白羽防秋急從軍不念家龍旗輝白日鏤馬渡黃河朔
氣催寒早邊聲入夜多迴看吹角處烽火照平沙

中秋遊廣澤

悲秋尋廣澤觀月有孤亭一水光先白千山影亦青
輝驚宿鳥明色走飛星逸興憑杯酒行吟紅蓼汀

早春訪魯堂

纔隔東川水京塵靜不飛誰言原憲病更見卜商肥落
日梅邊屋春風竹裡扉留談幽興熟月出自忘歸

和大江禪圭聞箏韻

花月房櫳靜秦箏十二絃含情移玉雁顧影拂鈿蟬響

繞杏梁外聲飄柳陌邊可知春思切故唱想夫憐

和卽傳師空山望海作空山名在攝州

空山還有寺絕頂海天開白認潮頭動青知島樹堆鴻
遠漁笛落鷗外賈帆來極目飛揚甚使人想渡盃

同諸子飲武聖謨宅得殘字

折簡知情厚相携此盡歡濃烟催暮色小雨送春寒坐
靜禽窺席詩成客倚欄追隨知幾歲共見髣羣殘

中秋遊廣澤

滄池滹沱野村邊涵影山々歛暮烟十里秋風蘭蕙氣
一團明月雁鴻天啣杯坐想冰壺裡移榻還疑玉樹前

况有殘尊堪對酌不妨終夜此留連

十六夜雨宿延慶菴贈桂洲師

颯々西風桂水聲延溪一望暮雲平暝烟竹塢尋僧約
夜雨松牕聽鹿鳴作吏空紆丘壑志參禪暫寄薜蘿情
摩尼長照雙林裡遮莫秋宵少月明

漢武帝憶李夫人

漢宮明月照流黃錦帳偏懷傾國粧玉露凋傷連理樹
金鑪鬢鬢返魂香秋風有恨橫汾水良夜無心寡柏梁
萬里瑤池猶寄信松楸咫尺斷人腸

早春寄懷信中湖玄岱

熙明寺

山々餘雪照城闌千里嗟君兩鬢新上國通家唯我在
天涯交友更誰親梅花笛動江南色竹葉杯寒峽北春
聞說鵝湖烟水濶可能侘日共垂綸

和江州建澤夫

折柳章臺彼一時鄉國歸去結茅茨青衿既志千秋業
綠髻還尋五嶽期湖上春風回旅雁都門煙樹轉黃鸝
遂初吾亦新裁賦早晚隨君捲釣絲

美人撲蝶

宮門晝鎖漏聲稀睡起金爐烟稍微總為佳人傷獨夜
生憎蝴蝶自雙飛羅裙拂草沾香露紈扇掠花亂落暉

捲向垂楊欄下立卻嫌翅粉污裳衣

同和狐變美人

古碑原上簇青莎拜丰漸看妖態加媚至頻飄羅帶細
疑多屢正玉釵斜聽冰靜立宮池月戲菊潛窺內苑花
艷色由来堪惑主勿言阿紫亂邦家

乙未九月予解職移居東寺春翁見訪席上和韻
謝答

新辭藩職索田廬漫向城南賦遂初霜後更憐三逕草
歲餘偏倚五車書壺觴接客情空切翰墨尋盟鬢已疎
繞砌青苔紅葉滿期君再訪到郊墟

春雨中遊雲興菴分韻

無勞蠟屐遠尋芳
春色居然隔矮牆
細雨濛濛烟罩草
落花寂寂水盈塘
鎮京山岳春雲合
遠郭堤封野竹長
空飽醍醐塵外味
慚吾構思不成章

寄題青蓮館館在江州磨針嶺下

青蓮新築絕塵紛
秋色蕭條偏屬君
古澤山高松挂月
望湖亭敞雁連雲
漢邨燈影當牕見
驛路鈴聲款枕聞
咫尺雄藩才不乏
多知來往數論文

歲晚書懷

疎狂原乏買山錢
罷官依々在市廛
屋後猶餘栽竹地

簷間幸有看雲天
久拚歌管論絲肉
遮莫醇醪判聖賢
塵世紛紛驚歲晚
芸牕贏得日如年

送服美中還鄉美中奉老母巡禮觀音靈跡

補陀惠日竟天明
三十二山路幾程
即看潘輿隨喜去
兼知謝屐探奇行
紅亭無恙忘憂草
綠樹依然反哺聲
扶老還鄉君自好
都門難柰故人情

送即傳師之泉州

畿南勝槩自堪憐
道出茅渚碧海邊
蟻廟松杉迷夜雨
狐祠葛葉慘秋烟
清言暫隔傳燈地
別意長隨飛錫天
到日叢林逢法侶
囊中先發碧雲篇

子夜四時歌四首 錄一

即來秋夜短即去秋日長秋夜還秋日顛倒斷儂腸

大堤曲二首 錄一

大堤諸女兒一一可憐色聯步大堤南家在大堤北

皓月池

皓月照清池露艸秋瑟瑟時見金波搖可是游魚出

鷺

白鷺不敢飛暮雨頂絲濕似誇玉羽明故傍青草立

岐阜客中汎舟鳳川題石鏡

霸跡松杉古山花自領春回舟避石鏡恐照白頭新

遊高雄山觀紅葉

高雄古寺鎖寒烟白石青松落日天秋後更添霜樹色

織成十里錦山川

自小倉堤至玉水驛途中偶作三首 錄一

湖堤分割水西東堤上白沙湖上風鳧雁鷺飛綠底事


渙舟盪出綠蒲中

東都客中酬荅彥章見寄五首 錄一

梅柳參差黃鳥春東山北野綺羅塵長安二月多遊賞

誰向天涯念故人

春氏舍翠亭作



芳草菲々領晚風
紫迴綠水映簾櫳
東山一帶連金碧
半在雲烟明滅中

落葉

玉殿西風冷碧羅
琳池秋水晚來波
美人休奏哀蟬曲
落葉紛紛白露多

送百順上人還尾張二首 錄一

白蓮花發覆苔磯
江路炎天行客稀
君去不愁三伏暑
涼風自滿六銖衣

以下摘句

日暖潮鷄唱春深
海燕歸丹後客中水士遜後亭作

春雲未散雙林樹
夜雨新添祇苑花東山春興

興廢當年蕉覆鹿
招提今日柳藏鴉同郎中漸遊銀閣寺憶怡公作

地近梅宮花信早
川連桂水月明多早春遊延慶菴

鴻雁天寒朱雀巷
葦葭秋老玉江橋和浪華葛子琴

三秋養拙無新著
一夕交歡有故人秋後同諸子集林周父宅得塵字

清絢

字君錦初字元琰
號儋叟又號孔雀樓主人清

田氏稱文興平安人
伊藤龍洲李子龍洲以出

冒伊藤氏使君錦復本姓
蚤學于家庭以父蔭

擢為越藩儒官優遇與錦里均
總角時訪梁蛟

巖於赤石寓于其家數十日及歸蛇巖有贈言
曰勿慕曠達而棄彝倫勿耽藻繪而廢大業君
錦終身誦此後與齋靜齋講究物氏學喜古文
辭後悟其非經義一以朱子為主文章專以歐
蘇為法晚年喜讀稗官小說尤精於象胥學深
懲其初年從事時習屢語門人曰才生於學學
不由才將作偽唐詩乎黃金鑄歷下生將作真
唐詩乎鐵鞭打歷下生為首長為奴隸在其人
而已性不好酒酷嗜糖菓晚年以食糖之多終
得痰塞之病天明五年卒歲六十七著有史記

律資治通鑑批評五雜俎纂注唐詩府藝苑談
藝苑譜孔雀樓筆記孔雀樓集
錦天山房詩話倦叟詩爽豁高朗在三珠樹中
固屬第一不唯文章為然也

聞鶯

江南春色早睨睨畫樓陰旭日揚晴彩微風送好音金
含庭柳暎黃入苑花深更引佳人興聲之和玉琴
瀑布

一條天半下界破玉芙蓉曉日含烟動高風噴雨濃携
樽依翠石得句削青松不向巖頭坐或驚潭底龍

從軍行

塞虜漫窺牧天兵遠事戎銀袍金鎖甲銀羽綠沈弓馬
度陰山月鵬盤大磧風男兒輕一死血戰策奇功

俠客

車騎燕南選雄豪不可當探丸隨死士使酒蔑名娼寶
劍仇家血黃金賭博場窮通休復道俠骨向人香

納涼

問巷驕陽日山林避暑時風泉翻翠壁露竹繞清池童
伴花間酌禽窺石上碁不妨催薄暮涼月有幽期

關山月

皎々山頭影邊人馬上看光臨沙磧失輪落窟泉團哀
笛中營起戎衣九月寒長征多苦境奚翅返鄉難

背面美人

深宮花草重綽約倚闌時背面還能艷沈吟有所思鴛
鴦合帶出翡翠映簪披一顧添嬌媚柰何移步遲

望岳

半天東岳色峻拔入冥濛艸木千年外煙嵐一氣中羽
人元可過洞府或難通佗日登臨去揚々世事空

喜雨

炎天開午景高卧讀書臺水立玄雲捲林鳴白雨來逆

風迷度鳥閃電送驚雷未見斜陽透浮涼撲地迴

村居

丘壑春將盡村園興未央鶯邊風柳裏牛背落花香社
酒同壺在耦耕幽事長時迎詩客至引杖野川傍

王連環

連環減艷質美璞役良工露重煙蕪上星含玉宇中蟬
聯光並映出脫技偏通宛轉豈為戲漫言楮葉同

湘靈鼓瑟

湘娥不可見瑤瑟奈新愁片月含班竹清風帶碧流調
徵聞乍失曲罷更難求鴻雁飛還去茫茫楚水秋

登樓

春烟蒸貝闕積水現層樓幻相千般換空萃五色浮峰
非鼈背駕橋擬鵲群修忽見東風動奇觀驀地收

蝶

春園群卉媚蛺蝶自依依吸露花間宿飄風草際飛時
隨公子馬乍入美人衣嬌艷須臾事玄冬失所歸

易水送別

匹馬咸陽道離筵易水隈青天豪傑淚白日鬼神哀劍
氣凜毛髮虹光繞酒盃唯知輕一死擊筑醉中催

觀濤

觀濤

樓外浙江濶秋濤駕海風一時勞指點三躍失西東舟
艦蒼黃裏魚龍出沒中錢王無勝韻霸略勿誇雄

廢寺

山中何代寺雲樹上方賒石殿青苔合禪房翠靄遮
王空入室雁女自啣花尚訝黃金布斜陽映烟沙

泛湖

平湖炎熱歛薄暮泛扁舟水淨涼雲映山高片月流
魚龍中夜靜雁鷺幾群浮更放蘭橈往啣盃物外秋

木下驛夢亡友石楚臣

山木森々青山雲兀々白暗風窓牖響僕眠燈在壁故

人奚自來髣髴顏色瘠避光不近前覺復異疇昔近之
欲有言隱々無其迹始知短夢中對此幽冥客溪深螢
亂飛或恐君魂魄

湯尾嶺

到此峽將盡險惡彌堪驚蒼壁使天小巉巖夾縱橫日
星不光處風水古今鳴仰見先登者人馬樹梢行

夢到杻山 擬李長吉

杻山之圍似牛乞城中士馬魚遊釜吹壘肉迫競登城
頭顱亂落如紅雨骨朽血乾四百年幽魂入夢尚訴怒
白楊隱々雨蕭々燐火如螢散復聚有身無首者誰也

鬼妻呼夫兒尋父霜風吹入刀剪瘢草際啾々啼太苦
陰雲繞敗月微明髑髏畏影入深莽條然驚覺猶如見
殘燈影白近五鼓

和妙乘上人登平流山作

鷲嶺分西域琳宮湖上開君能飛錫到人見渡盃迴蚤
氣籠初日龍雲擁晚雷湯休新句在題處石崔嵬

宿今莊

客意何陰鬱峰巒斷又連馬寒依晚市雅 点平田寬
水藤蘿氣山村橘柚烟病身貪登宿正在夕陽先

擬秋宵翰苑寓直

閨闔秋光斂蓬萊夜色賒風涼疎御柳月出照宮鴉玉
署天如水金莖露似花焚香書詔州故使畫屏遮

詠舞

十五陽阿選登場擅妙才嬋娟天上舞縹緲掌中迴柳
與腰疑絕花兼扇並開唯應行雨客永在避風臺

上二兄

自折橋頭柳三年海國秋見他兄弟好深我別離愁貪
病今如此文章死不休登高令節近早晚發歸舟

大枝嶺

峻岳重々起飛泉曲々鳴天文連北海地利接西京兩

處辭親日家君在越三冬抱病情愁腸將自斷不必問
猿聲丹氏在京

橋本氏醮吾大夫本多公於墨水仍觴其莊同諾
君從遊

墨江開宿雨良宴此陪遊彩舫中潭色名園八月秋林
巖多意態棋畫足風流坐客歡俱洽盃盤晚未收

春色滿皇州

青陽開令節佳麗帝王州瑞靄南山近暗波太液流雪
殘鳩鵲觀花遶鳳皇樓上酒來群牧鳴珂散五侯美人
金縷帶俠客錦貂裘忽見紅雲動六龍時豫遊

參議藤公使日光賦以奉送

洛城卿月動日觀使星通祠祭儀容肅朝廷禮待隆
神光輝福上帝子置琳宮梵唄傳丹壑旌旗接紫穹虹
垂飛瀑上魔伏法雲中艸木含光氣乾坤仰大風崇封
期浩劫設險到無窮翰墨聲稱甚軒車眺望雄名官原
奕世萃系出三公更向燕臺去橫行冀北空

夢

石枕山屏太自由百年哀樂此中收花間蝶返春風舞
臺上雲隨暮雨浮五馬南柯新作郡三刀西蜀遂臨州
謝公原是文章美芳艸池塘趣更幽

登樓

海天春霧曉茫茫空裡樓臺結構長胡地弄來傀儡子
漢宮偷得返魂香橋成織女何勞鵲石動仙人忽叱羊
若使廣陵嘗一出枚乘七發更輝光

和禾升御登天台二首

伏枕予今夢寐勞振衣憐爾避塵囂湖含唇氣琵琶小
石擁羊腸雲母高玉洞千年藏大藥松壇畫日報鴛鴦
真成此處通呼吸帝使興公弄彩毫

人間到處感滄桑殿嶽巍然古道場管相威靈驚霹靂
武皇封祀仰金湯霞城遠控晴湖色鍊柱高懸白日光

小魯當年觀爾志諸天回首更飛揚

子夜四時歌

採々芙蓉花湖上舟如織白花又紅花即心在何色

和傅金臺君縹緲樓八詠金谷

朝見山雲紅暮見山雨翠中有誦經人不知世上事

和樂生靈山春望

驚峰樓閣倚晴空楚客登臨作賦雄五色雲中花如海
長安十萬戶春風

少年行

彫鞍寶馬錦貂裘臂上名鷹如脫鞵大道相逢人悉避

橫鞭直揖富平侯

和滕朝請明妃曲

白艸黃沙大漠秋
忍教珠翠照旃裘
琵琶曲裡天山月
曾是深宮獨夜愁

題盛繼墓

盛繼平氏號將龍越中次郎平氏亡有
志復讐逃于但馬州官代其家與其女
通後被獲女悲不已收
其手書築墓江上云

一劍霜寒北海濱
神州無處不風塵
如何廣柳車中淚
灑入朱家掌上春

南冠君子也風流
忍使蛾眉送楚囚
不盡千年萇弘血
至今殺氣暗相州

暮抵武佐

既見前村暮靄生
羈心與鳥似爭程
殘陽尚在堤松上
人影斜連馬影行

題畫

數家小集帶斜陽
斷續村烟橘柚香
牛犢歸來門未掩
幽鳥照影立寒塘

遊仙曲

閨苑真遊路不賒
朝清歸去駐雲車
麒麟畫臥金壇艸
孔雀春啣玉洞花

悼亡

玉鏡臺前不拂塵香魂空入夢中春西樓半夜朦朧月
花影窺牕似有人

欲寫新愁不自禁琵琶唯解動哀音香魂應在朦朧月
寂々西樓半夜心

春閨怨

欲將芳艸怨王孫小院春光獨斷魂
落花微雨近黃昏

漢宮詞

桃開露井月華新翠羽明珠各占春
三十六宮何限怨至尊唯夢李夫人

龐川打魚歌

龐川啓閘芒種天水族電馳入稻田
老鮎宿鱸蹴可死赤鯉朱鱒巧迴旋
相呼相喚丁與壯挺棍亂打泥過顛
君不見駒林之網七百丈簾掃龍宮時
桴然又不見高砂五智彈機巧風濤或
以一身捐村農不設捕魚具一時遇合
誇擊鮮家有三斗醪醱綠飽食轟飲夕陽
眠

冬日會田士河宅

連日風兮今日風三晝三夜雪濛々
勿道玉龍三百萬白抹乾坤萬象空
藍輦迎我憐老病城西大道達城東
大道銀濤凝不流輦行只有一線通
熾炭圍屏陳酒饌

熙朝詩卷
熱挽犀鳴似艸蟲君不見半夜入蔡賭一死擒得逆豎
策奇功又不見含嬌含態覺家姬低唱淺斟錦帳中功
名豪貴從他輩醉卧且歡諸友同

春臺望

層臺開遠矚群物媚春陽迴合宮城出縱橫市井長衣
冠馳道上歌吹狹邪傍殘雪融遙岫晴煙擁密篁川平
搖鴨綠柳弱弄鵝黃花帶遊絲映鶯兼翡翠狂風流朋
在坐登覽酒盈觴鳳輦知時出雲成五色光

首夏病中書事

春光九十坐將空夏景蕭條伏枕中柳髮通風梳老綠

杏腮帶雨點微紅佐炊時柰羸軀痛丸藥仍無侍婢充
勿道世人皆欲殺不才何與謫仙同

題典公房

松檜森々溪水涯山蛸傳響夕陽移幽人獨往携琴處
開士相迎煮茗時蒼苔風微香自度芭蕉露重綠偏垂
中宵語默餘玄趣只許簾西明月窺

春日郊行三首

同端文仲 錄二

卷盡山川靄日輝東風吹面自依依魚沈翠葦深還見
雉伏青蕪近乍飛賣酒家圍花柳密擔薪人入薜蘿歸
良朋相約須相賞勿使春光容易非

丞相祠西紙水隈病餘聊伴友朋來山容還入煙中媚
春暖偏從雨後催瑩色似銀魚隊出濃香如密菜花開
豪華附與少年樂詩就俱傳濁酒盃

湖北道中

行々淡海就脩途春後風光亦可娛柳岸沙平牛逐伍
蒲塘水暖鴨將雛湖雲黏艸晴猶濕山靄籠村近却無
時入旗亭成小酌微吟不覺夕陽晡

夏日偶作三首 錄二

披衣不為報衙忙起倚南窓趁早涼山映朝暉開度鳥
川添新漲及垂楊金醪緩酌良朋至翠簟平鋪畫夢長

要路先鞭非我事踈慵一往與邊霜

金鴨輕颺一縷烟芬苔滿逕遠塵緣深松影裡迎山坐

流水聲中擁策眠鷗鳥盟成真可侶鱸魚味美不論錢

客居餘得歡娛地回首鄉園自黯然

奉和南條公

客裡忽々值臘終主恩何用哭逢窮江樺春早鷗波暖
山寺靄開鳩雨空楊柳酒旗斜日下梅花驛使碧雲中
經年報就雖羞懶郢曲和難今古同

湖北道中

翠壁丹崖互送迎清晨引我峽中行溪流鹿飲巖花落

驛樹鶯啼山日生午睡恰逢輪坐穩微醺始愛袷衣輕
蠶桑功就田功起卜得村々祝太平

次士善韻

城西屏跡避才賢愛子追隨堀水邊半日欣歡憑濁酒
百年心事付陳編園松月上風微度籬菊秋高露可憐
衰病從來如養望自茲徐榻不須懸

晚秋沿仙家川遊賀茂隣近諸友携具喜賦

秋郊暗景自融融轎坐還憐微受風雁帶懶雲過嶺上
葉隨流水入城中香芥蒙遲知霜薄晚穀登場祝歲豐
更有行厨添興趣遊山終日故人同

遊弘源寺

秋晚西郊事々幽老禪方丈大川頭行雲影裏松圍寺
流水聲中人倚樓夕景映苔棲鳥下遙空歛雨斷虹浮
談玄攬勝塵心淨久坐何論宋玉愁

秋日郊行四首 錄一

大道一何遙青々松檜樹殷懃難作懷不是還京路

梅花

舞罷瑤臺月似眉玉簪斜插鬢雲垂中宵擲向人寰去
散作江南白雪枝

秋夜即事三首 錄一

梧桐一葉報新秋
月色帶煙螢火流
領取涼風消暑熱
微吟獨倚水邊樓

螢

暮靄纔收片月殘
蘆蒲螢照水漫漫
夜涼時被風吹墜
點點隨波下淺灘

雪泊二首 錄一

扁舟夜泊水雲涯
雪壓菰蒲望自賒
時被沙禽衝起去
蓬中墜下不香花

春雨

密密作絲疎作烟
黃鶯不語柳如眠
南樓小酌消憂得

坐愛平川起翠連

春詞二首 錄一

柳際黃鶯啼不飛
春陰壓水兩霏霏
夕莖新退薰籠火
腸斷江南人未歸

春日郊行有懷友人三首 錄一

橋頭垂柳晚鶯啼
草色青青妝舊堤
記得去年分手處
滿天風雪一川西

以下摘句

澗雪春猶在林烟
午初開送人之信濃

烏衣此日迎新塔
子墨當年作客卿
崑崙奴

人間路向羊腸轉海上雲隨鵬翼開秋日同諸子登烏龍山

畫樓煙澹偏宜柳野水風微巧馮花江春入舊年

花氣薰人濃似酒柳煙籠水薄於紗春日郊行

詩篇永伴蕉窓雨棊局時追竹塢涼奉和長公寄懷

濁酒三盃春雨靜殘棊一局夕陽傾再奉和長公

花飛不為微風起山靜還憐淡靄籠江樓

伊藤榮吉

字士善號君嶺本姓鹽田氏播州北條邑人為

伊藤君夏嗣襲職越藩文學著

將赴有馬舟下漢河

舟行百里程秋色滿天清皎尔山容麗金波樹影明推
牕漁火點回棹宿禽鳴半夜眠難就吟詩共友生

感秋

人聲寂々月西流樹影沉々萬象收草際陰蛩如許恨
牀前薄酒好忘憂梧桐一葉金風外鴻雁幾群銀漢頭
淒夜頻催搖落感今年何似去年秋

綠陰

松檜午陰靜翠疊小庭間獨立彈琴罷棲禽次第歸

莫愁樂

皆言莫愁樂莫愁樂自真艷歌將美酒能醉石城春

郊行

日暖霞蒸野水塘青帘風舞弄春光杏花村裏沾微醉
添得紅醪一段香

能因法師墓

山村墓道自逶迤艸樹蕭條圍古碑行客蘋蘩無可屬
秋風空唱白河辭

江村乘

字孔均號愚亭江村綬次子夙惠異常九歲能
詩十二能文兼巧書畫為人耿介不群明和甲

寅病卒年二十七歲

携諸子萃頂良恩精舍避暑得二冬

二三社友忽相逢左提右携促吟節云此城東萃頂麓
清涼界裡可從容大道炎塵如霧起葵扇揮處亂鬆々
赤日射人々欲仆火雲肆瓦疊奇峯乾喉噴煙汗成雨
細葛何堪毒熱衝纔到禪關萬翠滴梧竹槐柳雜杉松
踈櫺虛櫳數十笏玉椀冰漿滌心胸一陣風颯毛骨冷
滿身煩蒸頓銷鎔石泉甯沸侵露榻亂山縹碧當面重
鳴蟬啼鳥真笙管嘈々切々和晚鐘樾枰碁破山吐月
垂堂揮塵競談鋒從事督郵遭詈辱却使酪奴寵眷濃
山月漸高涼逾益炎帝苛政柰吾儂可咲世間輕薄子

漫稱河朔為高蹤

遊霞谷真僧禪院

籬花露未晞林葉漏殘暉
鶴迎居士杖蟻上比丘衣
始覺真宗在須知假諦非
歸到山門外雲鐘下翠微

同諸子賦秋雨得十四鹽

秋陰暝日色徐見雨纖纖
湘浦鴻書滯巴山客袖沾
無聲穿密竹有氣透疎簾
漏濕貧家苦待暗葺敗簷

丹波道中

野水東流夕日西煙山嵐嶂
碧高低王孫草色連天遠
帝女桑條與屋齋柳絮池塘
穿浪鴨菜花籬落浴沙鷄

恰逢村店醅醱熟兩袖春風
路欲迷

若狹客中作

重山峻嶺限西東城市相連
海霧中濕氣晨寒多是雨
潮聲夜吼乍生風只憐春蟹
雙螯紫未見桃花一朵紅
客舍蕭條何所聽浦雲深處
有歸鴻

武南山宅看花

別築茅亭小苑中春闌芳樹
繞簾櫳千枝露滴今朝雨
一片香飛昨夜風人世開
屢難數之花時取醉莫忽忽
賞心俱惜黃昏促更別蘭
燈照彩紅

訪雨龍

童子戀留客開窓指翠微前林長嘯起可是主人歸

秋晚西郊即事

西郊何所見秋老野蒿花香々天低處山容襯暮霞

唐崎

松枝十丈偃湖汀湖水湖山上下青記得去年遊此地
滿船風雨酒初醒

題畫虎

深山枯草動寒風猛虎蹲身亂石中洗盡吻邊獐兔血
一溪春水落花紅

東郊步月口號

晚歸東郊路徐々負手行吾影忽在地月華背後生舉
眼薄霧合山野似水平霽來須臾際輝々萬象明山容
頰秀媚水光亦澄清數曲沙堤上陰蛩草底鳴灣頭大
柳樹疎翠漸相迎下有賣酒店一啖酌青甕

清 勳

字公績號龍川江村綬之子出嗣叔父清君錦
送人歸湖中

故人湖中去秋風期不違相送都門口別酒共依々更
愛湖山好轉知昨日非葦菜已堪采鱸魚亦自肥回頭
無復問緇塵汚素衣

苦寒行

朔雲如鏤風如鏃霖霖亂飛跳板壁凍斷天上三足鳥
 紅輪失光鬼夜哭青脣吹火膚生鱗燼邊夜眠如露宿
 况復奴隸步擔民赤脚踏冰日驅逐嗚呼苦哉苦寒孰
 最長陰山翰海征戍士黑風捲雪滿弓刀刀癢肉冰人
 墜指天以馮凌假驕胡出沒如風瞬息裡馬鞍競繫血
 髑髏伏尸縱橫覆百里君不見錦帷絺帳十二樓君王
 不御翠雲裘香肌煖手肉屏列鳳髓龍肝酒如流青娥
 舞罷汗徹衣嬌聲喚呼金扇揮只言嚴冬氣候惡不信
 人間有凍饑

題某氏屏風富士山圖

頃發西京向東關薩陸嶺頭望富士千里極目滄溟表
 三峯湧出碧天間奇絕驚人無等比偶觀此圖疑且喜
 何者能將縮地術移入君家屏風裡寒威不迫白雪凝
 旭日將昇絳霞蒸樹間危塔清見寺半卷雲煙自自普
 烏帽錦袍留馬客麻衣蒟笠植杖僧詠歌人口皆膾炙
 猶求推敵無冬夏三保松原劃海橫清風一拂定有聲
 泛鷗忘機亦馴客帆影不動何處征其餘勝槩無遺失
 一筆鋒窮精密即今對此意飛揚官路難奈空送日
 君思他日若賜環重作優遊懷可述

春山餘雪白

抽青東野暖餘白北山晴未渡歸鄉雁繞聞出谷鶯烟
籠花彷彿日照雪分明一望城中暮薄寒衣上生

訪潮音上人房

竹間分細逕松下扣幽扃野水涓々淨山烟淡々青
禽隨喚鏡眠鹿候翻經妙理塵緣外共支如意聽

遊勸修寺途中

數里溪間路東南忽豁然山烟埋鳥跡野草受牛眠竹
裏孤村隱松梢危塔懸往還吾慣見景勝每相憐

八月十六夜延慶菴賞月

萬象玲瓏夜誰言黑月初掃庭移竹榻汲澗泉茶爐鳴
鹿空山靜驚鴉古木疎只聞蓮漏滴然坐世緣虛
芥見到闕邑途中口號

行曲高低路孤征落日時溪橋人影遠沙岸馬蹄遲村

樹圍如障山烟曳似絲行中催暝色客意轉淒其

同君高欽風居端君實遊梅邱

閨後春光早猶疑雪滿杯蘿牆護攀折茶店佐沈吟幾
繞花邊立重朗月下尋還家香馥郁三日在衣襟

送子顯

祖席蕭條酒離心對晚秋客中頻送客愁裡又添愁千

熙朝詩卷

里關山路一旬風雨收還家期不沮松菊占清幽

龍渡歸途逢雨

乾坤無日色陌上暗塵飛雲起黃龍渡風生白虎門一
聲雷破柱百里雨傾盆誰薄行途者先承半傘恩

寄懷君高君端欽風

曾遊在目前荏苒歲云遷梅邱探春杖柝橋銷夏船同
朋皆此地孤客望西天幸賴歸鴻信猶憐交誼全

仲秋同古淳風遊東郊

秋氣滿京城騷人最愴情乾坤出郭潤杖履步涼輕霧
帶山腰斷泉迴石骨鳴吼松篩月影露草綴蟲聲林末

毗盧黑溪邊略約橫農談茅店酒一醉慰斯生

分題賦得夢登天

曲肱閑室裡八翼夢中生恍惚經虛碧分明到太清不
須掉即助自有羽仙迎風欽看鳶戾雲深聞鶴鳴管窺
心始解盆望或應成絲竹黃金闕山河白玉京憂同杞
國慮無愜添園情醒訝五更後鷄犬天上聲

豐太閣

豪傑風雲會群雄心膽寒衛青曾馭馬韓信忽登壇誅
賊君讎盡勒王霸業安河陽巡風駕江左卜龍蟠匡正
功勳盛會盟藩國完赫威併四海餘勇服三韓卿相原

熙朝詩卷

無種沐猴誰笑冠建營踰古少寺觀到今殘殊訝驕奢
甚何由賦歛寬雄名千歲下更向舊編看

洛陽早秋

露柳蟬鳴雁影遙京城秋色不蕭條六街燈火兒童噪
半夜絃歌羅綺飄常避豪遊甘隱逸時因痛飲讀離騷
千門瓜果中元侯吟月詩魂誰欲招

湖中望月

湖天秋色夜玲瓏千里無波月桂空毫髮盡分明鏡裡
乾坤自在玉壺中鶴警洲鷺知墜露鴉驚汀樹覺微風
乘興扁舟須嘯咏不將河漢問漁翁

十六夜月

朦朧夜色萬人家少選東山開月華
幸喜纖雲無點綴
休言白壁有微瑕
金風如雨吹梧葉
玉露凝香沾桂花
盃酒慙慙須賞咏
佳期又隔一年遐

雪馬

幻出玉驄霜雪蹄
五花偏借六花齊
玲瓏自比鑊冰獸
皓潔休誇照夜犀
瘦骨全含西日影
雄姿未向北風嘶
初知白馬非真馬
試看明朝融作泥

新晴

曉窓初白報清光
鳥雀啾々遶草堂
家僕補簷愁露滑

鄰鐘曝傘恐風狂花香已減三分一柳線看添數寸長
棒子欣々何事是紙鷩新放野川傍

斜翻珠

吹出連珠寸管中玲瓏幻影任西東夢魂彷彿柳邊月
蹴躡高低柳抄風氣力繞隨羅扇倍飄飄忽觸畫簷空
獨看兒戲心惆悵變態寧無人世同

和龍草廬咏吹火筒作

空筒穿竅孰初裁暖氣時隨呼吸來枯木開花丹竈火
微風吹絮石爐灰半窓雲伴龍吟起滿堂春追鳳律回
好作詞壇騷客咏無中生有此君才

泛人偶

水拍銀盤人勝浮回旋終日似風漚黍民初信騎玄馬
橋叟今看跨赤蚪不是機關驚禡子却嘲傀儡役俳優
人問休歎果沉事兒戲時逢覆沒愁

冬至前一日小出大夫宅小集

嘉樹森々羅水濱憐君東閣待佳賓一陽未漏梅花信
半夜先催竹葉春裁錦詩兼為政美盍簪筵與結交新
堪觀明日無衣客雲物蕭條雪似塵

官舍中口號

今年祇役在關東案牘堆斜官舍中詩思全蕪鷓侶盡

更情當與馬曹同
題將雙鬢星
白更對長春月
之紅
洗滌胸懷新舊恨
三盃濁酒半簾風

寄題余良子餘涵香亭

亭子經營芳樹間
軒檻滿灑俯澄灣
半庭紅雨花隨水
一道金波月出山
楊柳映橋行客遠
菰蒲粘渚泛鷗閑
知君退食憐幽趣
琴酒相携此解顏

泛舟青井浦

大海潮生碧落齊
樓船載酒任東西
蒼波萬里乾坤闊
丹壁千重日月低
蘆岸沙崩寒蟹走
松巖苔滑怪禽啼
賞心未盡催風雨
近歧遙山次草迷

遊松封山洞泉寺

落日輝々積雨晴
提攜白社問詩盟
溪橋昔是登仙跡
崖寺今聞念佛聲
危塔松封山靄淡
荒蹊苔滑洞泉清
上方玄語催昏黑
自有衣珠照席明

霰酒

十千春酒在南方
新製何須徹杜康
初訝泣珠淵客淚
徐知釀玉羽人漿
宵聞星落樽中影
水上花飛掌裡香
最好輕寒微霰夜
竹樓招友侑瓊觴

雪花菜

蟬蛻功成出布囊
淮南遺製屬糟糠
焦家白石宜哺食

和氏明珠失夜光
飛雪風前還有暖
落花盤上恁無香
偏憐良宴餘酣後
好混茱萸醒酒腸

麥浪

春郊如海綠
遠望一望江
千頃坡日照
渾金生麗水
風來平地漾
滄波飛禽點
誤征帆影擊
壞歌疑鼓棹
歌拾翠徘徊
何處女嬌容
恰似洛神過

天竺花

佛國當年傳種後
仙臺今日擅名時
三圍葉聚濃青密
一簇花開凝紫垂
山鹿聲悲天似水
野豬眠穩月如眉
清風白露蕭條候
獨領秋光擁竹籬

次韻廣野公遊見寄懷

飛花風外白紛紛
荏苒光陰惜寸分
誰向玄亭還載酒
獨聞黃鳥轉思君
野人心愧齊東語
良馬名高冀北群
回首去年風月宴
江樓詩藁共薰薰

白鶴

繫帛胡天萬里雲
滿湘水澗月紛紛
蘆花洲底聲空響
楊柳汀邊影忽分
偶伴閑鷗尋鷺約
恰同孤鶴出鷄群
彈箏一曲樓頭女
玉柱橫斜帶夕曛

秋蝶

西風夜色望淒涼
來去猶憐蝶影忙
縱使衰容醉甘露

何堪柔翅受微霜春園紅紫今為夢秋草池塘徒覓香
狂舞偶逢斜照暖菊花誤認菜花黃

寄題小出大夫觀耕亭

從容退食倚簾櫳禾黍如雲阡陌中十雨五風知聖世
春耕夏耨憫農功黃牛眠穩平蕪暖白鷺低飛流水通
觀望偏同田畷喜好將盃酒祝年豐

鴨堤步月懷居敬上人

步出都門鴨水邊長堤秋色夜嬋娟竹林松塢公侯野
芊葉茄花風露天雲外鐘聲銀閣寺橋頭帘影白沙川
去年伴月人何處東望關山獨自憐

九月十三夜恭陪世子賞月譙應命

紅霞影裡現蟾光先映公家白玉堂西苑風流飛羽蓋
南檐絲竹捧瓊觴今宵月勝中秋月巖桂香和籬菊香
陪侍承恩歌既醉不妨烏鵲匝林翔

郊行二首

村園落日中饑鴉啄红柿頃日風雨多倒却案山子
遠山殘雨過一水夕陽孤荒畦芋葉爛無由捧露珠

送秀島如淵之東都

人道大堰河渺漫不可渡十旬風雨無淺流纔漫履

錦楓墩

照明寺

天女機中錦擲下人間樹仙花動霜林果作墨花雨

池館晚景

庭池雨過水玲瓏枕簟香生菡萏風惟得流螢忽無影
日昇楊柳畫橋東

早秋即事

樹竹蒼月織月暗締衣稍覺早涼生更移枕簟西簷下
卧聽金籠蟋蟀聲

客夜聽雨

寬泉添響漲庭池恰似巴山夜雨時獨坐西窓空剪燭
悽然更寫寄家詩

春日山居次韻小東明卿

山曙啾々啼鳥譁溪雲黯淡濕窓紗夜來風雨春光盡
篔簹水時時送落花

仙坡涼月

平湖萬頃晚來波靜繫扁舟楊柳披山月將昇風稍歛
滿襟涼氣不勝多

秋日早起

蚊蟻嫋々曉風涼三五殘星澹草堂露底牽牛花未發
蟲聲猶在竹籬傍

春郊晴景

照草言
遲日晴郊淡々相遠山如醉近山眠春村風暖兒童喜
遙見紙鳶飛戾天

三汊江樓送中子紀歸房別

客中送客上江樓雨後烟波望去舟日暮酒醒風月白
半天鴻影攬鄉愁

通天橋觀紅葉

惠日山圍七佛宮秋霜一樣深溪楓長橋自是通天路
身在紅雲萬朵中

以下摘句

山腹雲斜曳潭心樹倒生同子瑕文卿遊巨箭潭

寒村殘雨外遠嶂斷虹邊開邑到上有知

彈琴低唱誰家女掠酒餘香何處花春夜江樓作

病來無驗忘憂酒睡後聊憐解渴茶寄海棠社諸子

空洞風生天馬窟亂流波激地仙林歧岨道中

夢斷西湖晴雪後詩成東閣晚霞中紅白梅花

偏憐一片黃錦襖殊勝三杯玉練槌餘寒得四支

一宵聊寫蠅頭字百里將酬雁足書次韻葛子琴見寄

Table of contents with multiple columns of text, including names and poem counts.

熙朝詩會卷第七十目錄

天爵 二十六首

後觀 十六首

平長孺 十九首

熙朝詩會

Blank columns for text on the right page.

熙朝詩會卷七十

江都 友野瑛 子玉輯

天爵

字履仁一字樂善江戶人號恒菴其先天野氏世居彦之西尾其後世隱武之天治而業農遂氏焉初名有美字子濟授經於三浦淳夫詩於劉文翼書法於島華岡年十八從華岡遊學京師華岡養為子冒其姓任大府為步軍士進為伍長一旦棄職歸川越集徒講學遂復本姓裁為天氏所著恒菴文稿行于世淳夫名衛興石

熙朝詩會

錦天山房

見人受業長門縣次公著原學蕭壯歲來于江
戶後遊事大垣侯富山侯去還江戶而沒附記
于此

甲辰四月芝菴和尚再遊江戶同河子靜島洪卿
父子橘藏六見訪余于川越賦呈

有朋自遠來相邀同并躍野館何以供寥々慚疎薄鄰
翁寄枕衾並舍贈蒸藿交情淡若水何須芳醕酌嘗約
從君逃憶之宛如昨青雲仰彌高欲屏塵累縛清川逝
滾々白駒馳薄々奔走市朝中一身終自託留君欲淨
襟奈彼無住著且勿促歸驂山雨夜來落聯步向田園

追隨為愷樂所樂諸君子摘藻麗金鴈靈貺雖佩我別
後增蕭索

大典禪師六十壽詞

君不見吾師恒住不滅壽一塵一劫量來久又不見吾
師千秋不朽文縱橫變化以淵雲不滅不朽兩相尊負
笈曾窺數仞垣誰向文章稱小技非文詎得聽金言吾
師何在洛川涘五月良辰維覽揆滿筵弟子壽如林香
飯綠花供法喜萬年山接人天高三種風開梵閣起看
他蠢々凡愚人謾說長生比大椿吾師壽域非其比利
已利他更無垠爭奈栖々一孤劔火宅煩囂徒自厭稱

壽無因侍威筵慈雲萬里遙相念

過濱島亭卿

郊居幽且寂能避世中情芳草塔前色流鶯屋後聲
圍棋忘日永啜茗覺風清為愛林泉美幾教勞送迎

余將辭職稱病數月安成高永道意高渙之中子
羽聞之數見來訪感甚賦謝

貧富如翻手難全管鮑交文章人所怪名利我將拋
雲掩春天樹禽迷日暮巢祇緣朋好至不使長蓬茅

湖堤晚步

湖岸縈紆瀾危隄躡石根滄流寒鳥汎紅樹夕陽繁山

暗鳴鐘寺雲歸貫酒村幽情閑我步異土豈應論

長谷寺

平城經帝迹長谷訪祇林落日松間色流泉竹裡音
偶來遺世境披得出塵襟祈雨村々急慈雲忽欲陰

贈友人移居

誅茅負城郭峻爾擇鄰情移席來山翠彈琴雜鳥聲
井觀君子淡杯樂聖人清自是閑書劍不求身後名

藤井叟介余邀大典禪師謙三谷氏別業實二月
七日也席上賦謝

曾聞田墅羨未識主人賢花待彌天錫鷗馴到岸船開

門幽徑仄入室俗塵蠲共唱新知樂銜杯對綺筵

寧卿為養母移居賦贈

街陌紅塵欲豁除羨君佳地卜閑居林頭倦鳥栖還息
郊外歸雲卷且舒雪霽盤飧煮孟筍花開門徑引潘輿
開軒筑嶽呈蒼翠坐作清遊興不踈

小築短述

新涼微雨興偏移江上炎蒸欲散時種柏庭前知習靜
誅茅谷口得栖遲依然彭澤先生酒無恙廬山舊社詩
一聽玄言機久息飛來好鳥莫相疑

琵琶湖圖

乘槎欲去意難休滿壁新開琵琶水秋毫末烟波漁艇小
畫中樓閣梵宮幽輕鴻斜向圓沙落片月高懸孤島浮
若此風光供醉臥天涯不獨作雲遊

澤思之嘗從高子式學詩與余唱和爾後各奔走
南北不相見者幾三十載甲辰之秋携詩來訪相
與話舊乃廣之為酬

玄亭憶昔作同遊屈指參辰三十秋窮鳥久違高岫樹
飄萍偶逢巨川流豈圖沐上對青眼共嘆鏡中催白頭
百里多君尋故舊時揚雅曲解閑愁

九日登高

武野蒼茫遠且平
強登蕭寺倚曉晴
露沾細菊叢增色
風動枯荷池有聲
繚繞川原秋雁白
參差樓閣夕陽明
鄉山何處茱萸會
此日相望弟與兄

次容之中秋前一夕對月有感韻

悲君獨夜倚欄干
二七孀娥江上寒
妝閣翠簾慵欲捲
歌樓明鏡不堪看
生憎雙雁為來宿
已解孤雲無定端
可但陰晴天上變
百年人世會尤難

鎌倉覽古

烟蓑雨笠上鎌城
丘壑高低木叅生
霸迹寥々三代業
禪林鬱々五山名
街衢變作耕牛路
苑囿翻存戰將塋

父老不知豪氣盡
逢人猶說昔時英

病後止酒值中秋
天朗千賀君見邀
翫月得樽字
兩回承簡到黃昏
力疾徐趨月下門
筑紫筆清行玉柱
伊丹酒美徹瑤罇
露沾幽石光彌動
風入芳蘭氣轉繁
莫怪劉伶無飲興
老來要聽婦兒言

奉送大典禪師歸平安

不是公門勞鞠躬
經年翊贊濟川功
已聞海雁為來去
復見江花作色空
歸志浩然搖夜月
離魂俄爾斷春風
追君欲極泥丸樂
難得振衣出世中

三月晦日陪大典禪師遊島稚節宜雨軒即事

十笏清齋欲盡春閑中好是枉蒲輪落花飛鳥隨江雨
怪石幽篁避市塵數句伽陀堪了義一湯般若不妨真
同歡師保老期壽更使吾曹與勝因

醉太白圖

金龜換酒後一斗幾回傾忽奉明皇詔春風扶醉行
秋雨宿藤第宅以樹色遠浮疎雨外為韻七首
微寒共被眠霧霽夜來兩白屋下疎簾草蟲啼在戶

服守愚惠烟草

金絲裁幾片細々出香烟不羨餐霞侶因君學地仙

寒夜思友

水近山長未還吾心渺在雲間推窓積雪臨卷把酒孤
燈照顏

得平安友人書

江雲江水嘆離居矯首皇城千里餘昨夜瀟々烟雨裡
繫來飛雁一封書

度碓氷山

碓氷盤礴幾層山々色蒼々對客顏回望芳城倚門處
故林遙指白雲間

欲望更科月病瘡不果反宿稻荷山

姨山明月久相思影入平田千頃竒路半更科人病瘡

照車言

下車惆悵日斜時

中秋雨服氏見招小女彈箏待月雅音可愛因賦

一絕

待月風流幼婦情纖素手拂鳴箏清音却使秋雲過
冰鏡終宵不得明

以下摘句

臘雪韜山色春風變鳥聲庚子元日

林深仙唄響龕古佛燈輝弘福寺

衣裡明珠松浦月囊中彩筆菊池雲妙養席上餞獨有遊西海

馬上金風琶水晚城邊珪月笠山秋郡山候歸藩也富永君益初從駕而

行有探勝地之意臨別贈之

橋邊宿草含新綠樹杪遊禽變舊聲戊午人日必端堂小集

後觀

字興山號蓋泉周防人其先安藝人世奉道家

永祿六年毛利氏與大友氏有隙聖護王來嚴

嶋鮮兩家難洞春公命隸院籍于王門自此遂

屬焉興山好學善文章從遊甚衆侯命補德府

教授文化己巳卒其徒野村登春大年刻其遺

稿筑前龜井魯道載大坂筱崎應道安道並序

而行之

照月寺

七 錦天山房

孤兒行

孤兒生孤兒生非其時父母在世飽甘毳服輕肥父母
一瞋兄嫂命我墾蓄右牽黃犢左負鋤基朝夕在田不
敢言疲面目黎黑手足胼胝太兄言汲水大嫂言取炊
陟隴上不見父母但見其碑下隴孤兒涕零交頤使我
朝往採薪之途長既破我斧又缺我斲捨斧與斲荆棘
是跟血流至踵裹之以裳身僅襤褸腹乃糲糠晝茅宵
絢啓居弗遑苦楚如此不若早去下就幽鄉秋功至農
事忙嘉禾垂畦百穀登場將此柴車載彼禾穰鳥雀相
聚啾々其旁願啄我肉莫啄我梁割肉猶可耗梁可傷

兄與嫂嚴且急恐其會計止當亂曰採薪一何苦辛作
書寄阿親羨蒸可依兄嫂難因

秋夕雄公精舍讀楞嚴經

林壑含秋氣風葉墜涼天當斯山館夕閉戶讀梵篇三
鬼皆火宅煩惱日具纏從聞空門教頓悟離塵緣諸聖
交一臂妙論溯千年安知祇陀苑即非般若巔潭影一
輪月松聲四壁絃誦至杳妙境槁木各嗒然真理歸幽
默清機入至玄萬籟夜深寂一燈吐紫烟

福大夫事于豐城兼謁筑石龜子因有此贈

渤海南折何渺漫片帆西去絕汪瀾一望雙珠峰頭月

潮洗清暉滿復乾舟繫津驛尋赤馬萬戶人煙鬱海關
水府酣戰彼往事今向彌陀樓上殘為華人世真蝶夢
指點畫障子細看丘壑依稀移日月英聲可以貫乾坤
文司關頭一古墳有客焚香招英魂林叢誰躍鐵驄出
斜照猶見血痕殷長風千里捲飛濤儘怪叱咤立旗門
馬鬣封上草茆芊龍鱗樹下水潺湲回轅南指筑石去
名山大澤接雄藩維昔管公耒此地于今崇祀肅蘋蘩
自爾名公播遷後都府文風有淵源八角臺頭福岡城
髦士彬彬如雲屯家學關西楊伯起夙當文壇握赤旛
福子稱揚每口之自期鴻業傳後昆我祖烈武振古久

易地寸功樹文園橘葉如人吾豈敢若立風猷寸心寒
遙欽英風拊髀立幸借盈尺聽餘論

宴飯隱士園園類村居翁早致仕高卧自樂云

仕官不須車生耳嘉遁何必伴鹿豕一牆避世擬東村
村居亦不勞耒耜有客有客字羊裘從君且為東村游
標有梅兮有鳴鷓微雨陰雲收麥秋晏坐醑我過三爵
紅鬣徑尺鱗欲躍醉後耳熱呼嗚嗚土鼓黃桴勝古樂
笑它金紫競官途金紫未變身先枯一場蝶夢君能悟
有酒須醉無酒酌

觀堀川夜戰圖引

昨夜海西奏凱歸將軍，威名天下稀。聞外之寄惟爾在，
新賜甲第接帝闈。堀川樓頭深恩露，鑰倉臺下多禍機。
只今百戰真無賴，自古兩雄不相依。東來使者何驚架，
身犯萬死入虎穴。袖裡鐵椎輕朱亥，擬擒晉鄙歸累紿。
姦膽一破姦計生，詐載盟書歎以血。威加四海無格虜，
去矣爾輩類蛙鼃。白拍子歌宴正闌，銀燭高張長夜漫。
帳中靡曼舞勸酒，倒傾金壘罄君歡。歌曲未闌金鼓起，
何來門外躍銀鞍。喇叭同聲振林木，劍花戟光星闌干。
醉態如泥漫弗省，一束金甲鳴耳端。突起振袂電眼輝，
手裡寶力冰雪寒。娘子軍旗千人廢，由基良弓七札貫。

東馳西來人滿地，白羽如月雲是騎。一掃山徒皆回避，
颯如狂風掃落葉。戰罷餘勇猶勃々，來叩帝闈奏戰事。
血腥在午箭橫腰，壯哉源家一將師。君不聞鐵柙萬仞，
向天橫金湯魏魏。一谷城誰叱鐵驪，藁嶂嶒又不聞讚海。
波濤拍碧霄，一舉八艘何捷趨。翩如六翮擊扶搖，大物
灘頭何落魄。芳野山中無容跡，時來龍蛇擊雲煙。勢去
鯢鯨困泥澤，所以扁舟五湖隈。功就名遂歸去來。

銅雀妓

錦帳繁絃夕，西陵風雨秋。浮雲無舊寵，孤月有新愁。
年已漳江逝，物惟銅雀留。古琴歌一曲，嗚咽幾時休。

草言

中秋旅泊觀月

二十年來月年七是異鄉清秋望相似流水不留光
砧杵千家夕薰葭一浦霜故山叢桂樹誰為植幽芳

魚登龍門

神魚依積水洄溯幾多年化域層霄遠裹途千仞懸
暴鯁寧憚死涸轍不承憐噴沫蒼茫雨飛澎流濤烟
逆鱗張欲刺頰尾折逾堅期伴虬龍去起騰上九天

奉賀君上有弄璋慶

公家莞篲夢能隨國境誰無萬歲詞料得彼蒼酬德日
即看維嶽降靈時周南教化期麟趾岐下祥光憶鳳姿恰

好令辰方叔事懸弧先引射場儀

誕辰新正十二日
例朝儀始而射儀

始亦

益田君章錄詩百篇請正因題其首二首 錄一

萬里陰風捲大瀛波瀾鬱勃佐江城已看悽惋孤臣賦
更駭高華後進英冀北良駒多絕足周南隱史奈虛名
文園同調須珍重四海如今稀弟兄

高臺寺謁豐太閤像

豪舉誰如猿面王身從阜隸踏巖廊登壇叱咤千人廢
揮劍風雲萬里揚西去呼韓輸貢獻東來日域握封疆
請看今古金湯固百堵崇墉海一方

照月寺

十一

錦天山房

哭村上士明

才藝兼傳文武名一時輿誦為君傾
極知虎略歸孫子豈意龍門失李生
史筆周南還勒碣樓船海上罷談兵
士林不惹遺刑典今日依誰仰老成

寄邊孟肇在筑二首錄一

卧閣風標月且高避塵深厭送迎
勞來同東岳三秋月去駕西溟萬里濤
人世栖遲雙白髮關河雨雪一綈袍
浪遊方適江湖性此日元龍氣益豪

幡大夫潺湲舍重別井行人往東都

東閣迎賓酒半醺同袍客有惜離群
燈前一曲西牕雨

別後千山南浦雲柳色已臨歧上亂泉聲疑向龍頭分
大夫作賦多才思何處登高又送君

范蠡泛湖圖

萬戶封侯脫屣輕五湖烟水濯冠纓
破吳能雪公家耻踞越誰當國士名
今古君臣多得失行藏天地有虛盈
同寮文種見何晚嗟爾冥鴻去後情

南浦寄興

纖七初月學眉低汀渚無人鳥夜啼
三十六灘天一色征帆隔在數峰西

平長孺

字仲和號雷首尾張人少受業於紀平洲遊學江都後仕伊勢其候不合辭去下帷京師以教授為業性卓犖不羈好諧謔遊於縉紳間皆得其驩心著有蚤烟焦餘集

琴希聲春樵曰仲和服巾蕭散不復有經濟意詩筆縱橫或能雜諧諢談鷓鴣羣處許以陪筵鳳凰池邊幾於入鼓每有賢主招邀衆賓會集金樽綠滿銀燭紅燃未嘗不含杯而拈鬚摩牋而裁錦也

源罷 曰仲和曩時卓落不惜千金揮霍致

產業傾圯既出仕而又不合迺移京而年已邁矣而身志與少壯者無異馳逐吟哦毫無萎茶之氣象蓋內有自怡者也

摩島長弘子毅曰翁之淡出乎天夫淡則奇也奇則淡也淡者自然之謂也自然則其觸而發者真機活潑無往而不奇矣

錦天山房詩話仲和好遊王公大人間故曰野藤公資愛博士清公宣明以下皆序其集頗極推重然其詩卑促殊不稱

入京

佳麗山川正是春鶯歌花媚惱都人老
儻未熟伽藍記
欲問南禪問建仁

秋盡次韻

颯爽山容瘦霜林不見青
水乾萍著渚田熟稻侵徑
食磬雲邊寺酒旗暗處亭
夕春歸柳谷寅餞立西橋

三月朔同丹比大受諸子嵐山看花

花未全開坐嫩寒蜂朋蝶伴此遊歡
天然春景佳山水
知道真看勝畫看

答津阪君裕薦仕

孤生非却聘才拙未遭時
飽擊惟吾分蘭交只爾思
挈

瓶無老智儋石足家資
鼓舌翻三寸生涯可樂飢

偶成

竹屋高倉巷計疎何所為
拔書分帝席帶劍間巫醫
青菜秤斤買黃梁
概斗炊萍踪南北水無處不相宜

次韻岡田伯就早起對雪

推衾自起倚疎櫺
一面枯荻帶雪庭
鳥雀未飛人未到
半林殘月影亭亭

杏奩體

新翻眉黛汗微殘
畫筆頻補暈檀濃
淡初勻霞臉色
含情試向意錢看

自註曰京師祇園街色府也今諱寬家謂之意錢蓋取博戲之名也按通

草言

雅曰意錢一曰說德子美詩曰白晝攤錢高浪中吳會曰博戲有出九入十詔之攤賭

暮雲

晴雲劈絮白如空吹送南薰長養風秧絲麥黃農事急
蚊烟一帶夕陽中

節前菊

寒露知秋李勿忙補菊籬立牌分異種截葦助纖枝只
為重陽近應爭一日遲向未初可愛恰上勿違時

早春同大室和尚遊瀨士章宅分韻

雨雪騎羊尚未休頻燒楮袖坐爐頭逢僧乞取寒山帚
掃盡青春一段愁

絕句

平遠含餘照當窓竹影疎予負青山臥青山不負予

霜夜

楮袖煙濃炙蠟房小穢新味潤枯腸老身催喚重裘著
可識明朝一寸霜

新夏

早起梳頭試夾衣紙窓斜照啟朝暉杏林結子無人奪
麥隴將雛有雉飛兒讀詩書修夏課妻收蠶繭足春機
比來剗地紅成綠日七唯應悔昨非

水亭夏夜

照月寺

四庫全書

別館多幽趣池寬撼岸沙白鵝洲上雪金鯽水中花枕
石苔還滑當階竹欲斜况逢明月出一倍覺涼加

懶起

春眠快熟擁蒲團已被隣翁屢叩門殘夢曹騰搭眼著
滿簾花影畫黃昏

冬旅

蓐食侵星夜繁霜滿客衣呼舩貪曉渡乞火歎寒麻日
短愁于役年闌詠曰歸歸期預有限莫及柳依

雨中春望

一川桃李鎖韻光濕蝶潛鶯各斷腸咫尺空濛難著眼

暮鐘聲外遠茫茫

早夏晨興

強欲驅眠去曹騰眼未開新愁驚杜宇殘夢繞庭槐初
擇茶槍摘徐分菊本裁拮据何日息夏課又相催

雨後晚景

斷梅収雨淨如楷遊矚憑高騁好懷一稜水田蛙閣
千章夏木鳥階上步邊掠髮涼稱快浴後乾身晚更佳
野趣村情宜畫本蚊烟靜繞半麻柴

以下摘句

結交清寂尋茶博帶笑軒渠讀稗官 仲冬

月寺

十六 錦天山房

山與舟俱動天連水欲平 春日江行

蝶驚殘夢尋香去馬引長嘶斫草留 清明

孕花出水荷抽角解籜穿籬筍露身 梅雨遺問

Vertical columns of text within a rectangular frame, containing various characters and possibly bleed-through from the reverse side.

00000000

